

書名 空同先生集六十三卷 嘉靖九年序刊本
撰者 明 李夢陽 撰
卷 卷三十二
內容分類 集 別集 明中葉
索書號 倉石:40084
編號 4008000

卷三十二



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾
坤
高卑易矣
星辰在下
江河逆矣
天喬喬天

北郡李夢陽撰

鈍賦

述征賦

宣歸賦

寄兒賦

竹石賦



空同先生集卷第三十二

北郡李夢陽撰

詩 七言律詩七十首

贈荅六十七首

夏日繁臺院閣贈孫兵部兼懷大復子

送楊子還里 送張工副

夏行人齋 太皇太后哀詔過此以病淹于

郊館僕為作詩

城南新業期王子不至 再期王左史不至

繁臺次秦氏韻 送田生省母兄如晉

寄題孫氏茗溪草堂孫是時始有婚事

送毛監察還朝是時 皇帝狩于楊河

送李行人還朝 逢吉生汴上

郊園夏集兼別李沔陽

李沔陽飲後田鄭二子復集於斯庄望見陂

水驟落衆頗訝之

早春酬張客見贈 田居嘲荅李沔陽

別熊御史出塞 春望柬何舍人

贈張舍 題環上人精舍

送膠州學職 送人還洛

秋口飲王子之第

星系林公以詠懷六章見寄觸事叙歌輒成

篇什數亦如之末首專贈林公

小至後寄甥曹嘉 河上茅齋成呈家兄

留別李田二秀才 贈鄭羽士

送蘇文學往主三賢書院

鄭生聞予種樹有成便冒雪携酒來看鄭時

有江東之行

送蔡子赴省 鐘樓重別熊子

閻曹二子發京姪木與之同舟而下有詩紀

之予亦和此篇

甥嘉謫官過汴僦舍而居以時炎熱

園庄餞蔡客還江東 寄贈司寇林公還山

謝南陵折贈牡丹十頭咸樓子重辦

儀賓柳子以合懽芍藥見贈予自不識此花而柳云種時數年惟今歲雙朶時柳病方愈夏日上方寺追念舊遊寄平陽王守前御史荅杭雙溪渡河見寄 奉寄邃庵相公

東生冬日會別謝行人

雙溪方伯夏初見過就飲石几留詩次韻

三司諸公久有蓮池之約會雨阻不赴乃移兵司東圃而飲爲詩以謝

東庄再贈杭子兼呈其兄澤西年友

乙酉除夕荅鄭生兄弟見贈之作

東庄謝身司諸公携酒見過

上方寺會監司諸公 東庄藩司諸公見過于公廟會王帥以其防秋北行

新秋宣威後堂會張鮑二帥晚過東圃作

酬聶監祭淮上見寄 九日南陵送橙菊

亭上限韻作

送程生兼寄姑蘇五嶽黃山人

寄水南子

夏都諫勘鄴路之戰惠見憶之作寄荅四首
熊監察至自河西喜而有贈

傷悼三首

哭王舍人昇

哭亡友范副使淵其族孫進士永鑾寄其絕
筆詩到

有哀

贈荅六十七首

夏日繁臺院閣贈孫兵部兼懷大復子

獨馬孤城送客迴
亂蟬高柳出街杯
晴天河嶽今開閣
戰地金元晚上臺
才自籌邊期獻納
義猶傾蓋愧徘徊
何休門客如君幾
北望天風萬里來

送楊子還里

曾修書院盱江側
君去懷予試一游
當日水山應更

好別來松桂幾經秋
謝詩早向麻源覓
顏帖時從廟碣收
此外何求惟有醉
背山合起望泉樓

送張工副

爲官秦邸君西去
因憶簡王相遇時
池出異蓮要作賦
館開修竹坐傳卮
龍旂寂寞還雲氣
鶴馭飄翩祗夢思
寄問白頭強相國
醴筵吟筆似前隨

夏行人齋 太皇太后哀詔過此以病淹于

郊館僕爲作詩

野館春雲劇暮陰
病臣哀詔此經臨
君親敢謂三江遠
涕淚懸知萬國心
風砌獨花堪憤悶
雨簷雙燕足清吟
遐陬每引前星望
賴爾兼程布此音

城南新業期王子不至

新園木欲誇王史竟日城南期不來即使屋荒還五
柳忍令春暮只孤臺對人芳藥翻翻出近日浮雲細
細開已囑甕頭封綠蟻明朝倘許盡餘杯

再期王左史不至

地散官拘此亦希草堂重約忍偏違元期芍藥枝枝
賞忽復葵榴片片飛諸客酒停時望旆孤城日落尚
留扉人生樂事真能幾野立蒼雲又白衣

繁臺次秦氏韻

一秋今到十賢堂萬事傷心嘆渺茫草綠梁臺猶殿
閣花殘宋苑只官牆天南星宿元朝斗岬北靈芝本

向陽未老息棲終傍此預愁人擬臥龍崗

送田生省母兄如晉

匹馬遙衝落日微萬山何處是庭闈塗紆沁上花應
發春盡并門雪尚飛臨柏乍開荆樹閣傍營重着老
萊衣馮高試望風雲氣大駕新從此路歸

寄題孫氏茗溪草堂孫是時始有婚事

茗溪之傍何者丘幾時自卜林塘幽已聞寬田足放
鶴曾否餘錢兼買舟狎人瀟鷗元成偶近檻芙蓉故
並頭塵世要留風格在東南聊作醉鄉遊

送毛監察還朝是時皇帝狩于楊河

楚生臨水送將歸黎子當筵賦式微天下汝爲真御

力一作歷

史百年吾是舊漁磯沙寒白日蓬科轉風起黃河木
葉稀此去有書應力上太平天子本垂衣

送李行人還朝

南使樓船漫北迴西巡車駕歛東來星辰再逐千官
入閭闔重臨萬國開寒盡旌旗猶拂雪春新環珮且
沾梅虞絃定有薰風奏佇望陽和徧九陔

逢吉生汴上

汴上相逢俱白頭秦中却憶少時游烟花樓閣春風
日錦繡山河百二州未論聽鶯穿細柳實因走馬出
長楸金尊邂逅今宵月明發仍懸兩地愁

郊園夏集別李沔陽

東門慣種邵平瓜彭澤新成處士家晨起忽嘶花外
馬君來同泛柳邊槎向人菡萏元隨檻哺子鷓鴣各
占沙明發路歧愁把袂秋風江漢有歸艖

李沔陽飲後田鄭二子復集於斯庄望見波

水驟落衆頗訝之

五馬柴門夜已迴二豪尊酒旦重開林乾鳥雀群應
喜水落鳧鷖半不來疎懶合收任氏釣嘯歌真慕阮
公臺亦知河朔非允輩逃暑無辭掌上杯

早春酬張客見贈

周王祈雪罷燈遊楚客思鄉迫獨愁不雨風雲常嫋
嫋入春江漢轉悠悠穠花錦石添霜髮橫笛短簫悲

空同集卷三十一
六言
絲舟歧路斷腸俱不減予今搔首為西州

田居嘲荅李沔陽

郊園自枉君侯車日日觸熱尋吾廬柳長風多紙欲
睡瓜成雨來仍用鋤遠田陰陰立黃鵠新波雙雙跳
白魚即令石水泥五斗豈無五馬愁騎驢

別熊御史出塞

今夕何夕春風微把酒長歌春興違嬌鶯乳燕黯不
語嫩蕊柔條空自稀都門車騎明朝發關下行人三
月歸北望湖沙青草盡祁連山外斷鴻飛

春望柬何舍人

城南春望春可憐小苑高樓生暖烟幾家芳草斷腸

處無數落花吹笛邊川原萋萋入暮雨車馬駸駸
少年欲向仙郎誇白雪陽春久已絕人傳

贈張舍

孔門諸子接升堂杜甫交遊盡老蒼萬里南歸望秋
月一尊對別逢春陽生兒當如李亞子有父况作尚
書郎肅肅雲鴻天路永樊籬斥鷃莫空翔

題環上人精舍

前月到寺萱草香今月到寺葡萄長潢潦盈盈旭日
動樓閣灑灑高雲涼出門每恨市城隔浮世空嗟車
馬忙圓月清秋期重訪即扳留臥贊公房

送膠州學職

廣文先生騎馬來膠東膠西花欲開鱸堂蕭蕭帶暮
雨芹池殷殷鳴春雷太山西望真堪仰洙泗東流竟
不迴寥落廟宮多古樹屬君收取棟梁材

送人還洛

十月朝天春始迴洛邦真喜使君來柳條臨路若相
待梅花滿堂渾欲開雪晴幾過回鑿浦日落時登承
露臺九重他日求賢詔不道今無賈傅才

秋日飲王子之第

岵毳玉殿逐秋開迤邐金風觸酒迴賓客百年梁氏
苑河山雙鬢李仙杯露凋梧葉浮龍井月引簫聲出
鳳臺莫羨同舟流逆調須知雅樂是真才

見素林公以詠懷六章見寄觸事叙歌輒成
篇什數亦如之末首專贈林公

南伐經年駕比還麗雲遲日藹燕關花明合殿春開
扇柳引千官曉復班新有越裳供雪雉是年始貢者三國更
聞飛將奪天山務農銷甲從今事飽飯行歌興不慳

二

香含鷄舌曾爲吏日侍龍顏朝退時春色故搖三殿
柳曉風偏放萬年枝鏘鏘劔佩鷓行亂裊裊旌旗鳳
輦移迂謬一麾今廿載半生心事白頭知

三

青天萬仞削芙蓉憶踏匡廬第一峰哀壑暮雲埋虎

豹大江春浪變魚龍天池御筆親留碣石室山僧獨
扣鐘搔首其曾霄漢上舊題應被紫苔封

四

投簪萬里旋舟日暫憇覃園傍峴西潭起漢娥留佩
賦井傅王粲倚樓題林猿浦鴈心常往楚雨襄雲路
不迷縮項一槎真欲釣幾時重訪鹿門棲

五

買園近闢三三徑啓戶遙當六六峰敢向大河誇樂
土且將名嶽寄行蹤風林躍馬狐狸走草澤回舟鴈
鷺衝昨復潁陽開別業傍軒新徙具茨松

六

西代親將龍虎軍南歸甘即鷺鷗羣謝安實費登山
屐司馬虛傳諭蜀文釣罷蘭溪宵上月吟成壺嶺畫
生雲何時勉爲蒼生起悵望東南五色氛

小至後寄甥曹嘉

一本作小至後寄甥嘉推官

隔縣經秋汝面難好音爲郡舅心寬三河鴈起沙先
暮四海陽回雪尚寒萊竹召棠他日事石渠金馬向
來官公餘定有尋幽興莫惜新篇寄我看

河上茅齋成呈家兄

愚弟罷官兄獨喜卜築茅齋傍竹林開牕忽見萬里
色背水常留十畝陰春來燕子休相賀日暮幽人且
自吟庭下會栽棠棣樹牀頭新製有虞琴

留別李田二秀才

五年梁苑栖遲穩千里南州忽此行海內尚還憂盜賊老夫何用拜簪纓音書陸續憑誰寄盞酒留連見我情惆悵暮天雲不盡秋風相憶豫章城

贈鄭羽士

恠爾零丁老鍊師藏珍破屋髮成絲坐看丹竈宵忘寢行折園葵午療飢久雨水淹松樹死塌墻人過廟門疑空傳薦福千金帖今世誰尋少保碑

送蘇文學往主三賢書院

邦侯敦禮聘才賢梁客乘秋詣汝川堂上久懸徐澤榻門前俄報孝廉船雲山紫邏霜應峻風穴青松晚

更妍獨上高丘試回首紫陽白鹿自江烟

鄭生聞予種樹有成便冒雪携酒來看鄭時

有江東之行

鄭縈騎驢雪故來无功行樹及春栽沾濡立愛新松色冷凍回驚早杏開密片深當紅蕾集寒聲虛帶翠靄迴思君簑笠滄江上酒罷番愁去舸催

王績字无功

送蔡子赴省

君從歷下游三輔暫就薇花避柏烏關內久懸馮異望河西早上伏羌圖茶官詭譎時侵馬餉吏奔趨日備胡生養願今開氣象山河百二本皇都

鐘樓重別熊子

野寺荒臺餞客游江湖城郭暫消憂危簷獨趁翩翩
燕細浦雙行宛宛鷗人世舉杯俱勝跡風林長夏有
清秋情來不用重翹首西北浮雲是帝州

閻曹二子發京姪木與之同舟而下有詩紀
之予亦和此篇

共水同舟伴謫居海天春色靜涵虛蠻方故啟流官
路漢史終收痛哭書蜀徼山高常戴雪滇門池苦亦
生魚上林花樹年年在前席行看入禁廬

甥嘉謫官過汴僦舍而居以時炎熱

萬里嚴程此一州問親娛舅爾須留遷人賓客休填
戶僦屋炎蒸幸有樓穿檻筍高猶足采戲池魚美更

何求館甥舊地花仍好得暇頻來看海榴

困庄餞蔡客還江東

來日麥苗歸麥黃炎郊携手暮蒼蒼別筵車馬吾先
醉落日東南江自長檣燕岍花休促棹小堂新竹尚
餘觴吳門汴市無千里應把并州作故鄉

寄贈司寇林公還山

徵書強逼上彤闈退食長吟望翠微漢策本緣三策
重都門真見二疏歸朝廷司寇元持法天下蒼生遽
拂衣趨陛履聲 皇念切夢魂能復五雲飛

謝南陵折贈牡丹十頭成樓子重辦

玉花折送出朱門國色俄臨處士村堆積寶璫春照

耀傳看直至日黃昏先掄上萼圍詩卷已拚清香費
酒樽見說陳思才八斗洛陽真譜許同論

儀賓柳子以合權芍藥見贈予自不識此花
而柳云種蒔數年惟今歲雙朶時柳病方愈
賓卿贈藥驚奇異共帶分葩號合權入手自摩雙萼
嘆逢人恐當一花看並頭虛漫誇蓮蕊單瓣還應壓
牡丹汝抱縣河今幸愈和中天遣助平安

夏日上方寺追念舊遊寄平陽王守前御史
伏天樓閣同遊地尊酒松林憶並携驄馬昨朝三極
北虎符俄剖萬山西人間散合留高跡壁上風雲護
舊題出守次公元入相汾川應與潁川齊黃霸字次公

荅杭雙溪渡河見寄

藩公赴鎮東來日野老扶筇北望時貪墨似聞拋印
綬壺漿真見迓旌旗豫州河嶽元中土漢法封疆是
重司廿載別君今幸此柴門能倒故人卮

奉寄遂菴相公

徵書北闕朝朝下不見東山起謝安黃閣兩朝心自
赤蒼生四海淚曾乾雲霄桃李猶門徑歲月絲綸只
釣竿舟楫願公長好在風江日夜有波瀾

東庄冬日別謝行人

冬圃朋游菊半蕪風林互飲葉全鋪往來物理須霜
露離合人情豈路途乾綠冷紅難避眼刺香餘馥故

雙溪 同賦 曹嘉
留家石几何玲瓏
瑤色金姿花樹叢
拂玩自成今日會
扣歌真見古人風
蒼烟野徑惟多棗
碧潭涼雲小閣東
獨喜館甥重有處
百年吟卧此心同

侵壺相逢莫漫憐修竹要識乾坤有碧梧

雙溪方伯夏初見過就飲石几留詩次韻

孤城春氣轉溫風石几間門夏對中遇客便移杯酒
玩題詩今得故人同猶驚鳥動花紛落况值日斜樽
不空晚暮蒼茫萬里色賴君長劍倚崆峒

三司諸公久有蓮池之約會雨阻不赴乃移

兵司東圃而飲爲詩以詩

西城宿雨天虛阻東圃微晴人竟游地闊儘容雲氣
入亭深能使樹香留尊前俊傑齊三府林下迂踈自
一丘勲業太平公等在故將高榻動南州

東庄再贈杭子兼呈其兄澤西年友

冬一作東

冬郊日白無風沙羣飲送客遊琅琊到時定生五茸澗
草有時同醉歐亭花我今五十半潦倒君日高眞元
才華過鄉爲問澤西子老吟何處鏡烟霞

乙酉除夕荅鄭生兄弟見贈之作

除夕天涯見客心連枝游子各悲吟徒將髮雪疑青
鏡且把鄉梅託素琴海嶽催春潛弄色冰霜爭歲互
成陰吾家甕綠浮浮嫩兄弟能來秉燭斟

東庄謝臬司諸公携酒見過

白日餘紅亂撲衣郊亭無事坐花飛何緣五柳嘶驄
馬忽有羣公到竹扉過眼物華春自暮賞心朋輩老
應稀亦知不是談玄宅倘許頻來各醉歸

上方寺會監司諸公

梁園四月斗炎蒸衆飲松堂爽色疑天上樂聲僧梵
接掌中杯影塔雲層高情不使忙官奪野興常於勝
地增西海漸生歸路月上方無藉散花燈

東庄藩司諸公見過

少年湖海老中原萬里誰期共一尊邂逅路岐須盡
醉向來離合敢重論桑麻事業陶公徑烏雀人情翟
氏門懶散廢書瓜可種夜來時雨足吾園

于公廟會王帥以其防秋北行

新晴借廟張金鼓舊約鋪筵集縉紳氣早冷隨雲雨
入地幽人與竹松隣時來拜命防秋將老去狂歌避

世身醉別贈君雙玉劍持將西北掃風塵

新秋宣威後堂會張鮑二帥晚過東園作

戟府臨秋氣自威林亭過雨日能輝但邀文士揮彤
管不願將軍試鐵衣雲濕白花籬槿重風搖朱果石
榴稀彎弓欲看雙禽墮海闊天晴鴈不飛

酬聶監察淮上見寄

落木秋城動客哀急風胡鴈帶沙迴夷門合是投簪
地淮海須憑攬轡才勲業壯心頻覽鏡暮雲詩句幾
登臺太微實與群星異已有光芒接上台

九日南陵送橙菊

朱門美菊采先芳玉圃新橙摘早霜傳送滿盤眞闔

色分看隨手各矜香深憐便合移樽醉暫貯應須得
解嘗獨醉秋堂臥風物一年晴雨任重陽

亭上限韻作

片雲黑日熱轉添忽有飛雨來纖纖任情玉杯但一
弄乘興彩毫時復拈角巾芒鞋客竟日燕舞花明風
滿簾垂頭人吏困自睡此地元非禮法嚴

送程生兼寄姑蘇五嶽黃山人

壓枝梅杏纍纍碧照眼櫻桃的的紅舟楫大江元晝
夜路歧初夏有西東淹留欲暮林間日行坐惟便竹
下風秋水一帆湖海上爲傳雙鯉到吳中

寄水南子

孤雲晝陰董盆寺迴風夕電南神岡林木颼颼起新
色茅堂微微生嫩涼高人北牕枕書臥有酒誰與開
尊嘗鬱蒸殘暑不須念雷雨時覩蒼龍翔

夏都給勘鄴潞之戰惠見憶之作寄荅四首

廿年不入紫宸朝白髮猶能伴野樵敢向驂騑爭道
路固知鵬鷲自雲霄狂歌見月時呼酒懶性臨風欲
棄瓢寄語昔游青瑣客嶺雲溪雪記同招

二

焚草常懷杜拾遺從容退食梧垣遲人當名世汝其
輩國有中興今固時衰年丘園合潦倒大業竹帛能
留垂迢迢故人寸心在日日苦吟雙鬢知

三

侍臣斧鉞雲中下山寨冰霜戰後行穿腦乍攀黎賊
路石門重覽鄂王營中興崖石元留頌成筭朝廷敢
論兵試向絕巔看大海年來波為 聖人平

四

岩堯上黨接壺關杖鉞冬行歷萬山巖凍雪埋擒虎
窟壑腥雲娟斫龍灣嶰巉路透漁樵入蒼蔚林清鳥
雀還為問登高能賦者霜毫幾掃白雲間

熊監察至自河西喜而有贈

當年五郡乘輅過此日干城攬轡游封事幾騰天北
極籌邊真歷地西頭崑崙壯壓胡塵斷弱水清翻漢

月流若使巡行皆汝輩遠夷那係廟堂憂

傷悼三首

哭王舍人昇

金門鐘動會千官野老騎驢戴鶻冠走問常州王內
合昨朝客死漢長安悄然門巷賓朋絕送遶家鄉行
路難即使過君終挂劍肯令捫腹竟回鞍

哭亡友范副使淵其族孫進士永鑿寄其絕

筆詩到

憶在先朝侍聖顏珮聲齊散紫宸班傷心盡省分官
地並馬西湖舊看山絕命祗傳詞爛熳竄身誰迷路
間關江門墓近湘流咽拱木黃昏鳥雀還

贈甥嘉生日
三月廿日生汝辰
三十三迴全盛春
流放一官今起詔
艱難萬里昨歸身
自從結髮朝明主
每向彈冠論古人
努力無令悲老大
鳳凰臺側有麒麟
他本多此首在熊
監察至之下哭王
舍人之上

有哀

漢陰丈人甘灌園海上漁翁非避喧
零亂春鷗橫夕浦萋迷烟草入秋原
祗將華髮悲人世不使黃金怨子孫
思向桂山歌偃蹇月明天碧况聞猿

病甚與親友訣別遂為絕筆 一本有此詩

平生逸氣橫雲海一病侵冬歷夏秋
小兒弄人古有此君子知命今何憂
親從江國迎醫返滿擬家園賦雪遊
載酒為君何日起東原松竹翠條條

空同先生集卷第三十二

空同先生集卷第三十三

北郡李夢陽撰

詩 七言律詩七十三首

時序四十首

小至

人日

穀日

丁卯小至

戊辰生日

臘日

九日繁臺二首

巳巳守歲

辛未元夕雪後

初度懷玉山有感

盱江小至

九日衙齋對酒偶作

南康元夕

楚山九日太華君同登